



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina  
Evangelica De Meditatione mortis**

**Kispenning, Henricus**

**Antverpiæ, 1583**

Consolatio ex salutifera Doctrina D. N. Iesu Christi. De auctoritate  
Doctrinæ D. N. Iesu Christi Testimonia S. Scripturæ. xviiij.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

Idem Serr.  
de miraculo  
facto in nu-  
ptiis Canz  
Galil.  
1. Pet. 1.

Vnde autem tibi *o Anima*, vn de tibi tam inestimabilis gloria, vt eius Sponsa merearis esse in quem desiderant angeli ipsi prospicere? Vnde tibi hoc, vt ipse sit sponsus tuus, cuius pulchritudinem sol & luna mirantur: ad cuius nutum vniuersa mutantur? Quid retribues Domino, pro omnibus qua retribuit tibi: vt sis socia mensa, socia regni, socia denique thalami: vt introducat te Rex in cubiculum suum? Vide iam quid de Deo tuo sentias: vide quantum de Deo presumas. Vide quibus brachijs vicaria charitatis redamandus et amplectendus sit, qui tantis te ostimauit: imò qui tanti te fecit. De latere enim suo te reformauit: quando propter te obdormiuit in cruce, & ob hoc somnum mortis excepit. Propter te à Deo Patre exiuit, vt adherens ei, vnus cum eo Spiritus efficiaris.

CONSOLATIO EX SALVTIFERA DO-  
CTRINA D. N. IESU CHRISTI. DE AUTORITATE DOCTRINÆ  
D. N. IESU CHRISTI, TESTIMONIA S. SCRIPTURÆ.

VOX ÆTERNI PATRIS DE FILIO SVO CAPVT  
D. N. IESU CHRISTO. XVIII.

Matthæi xvii. Lucæ ix.

Hic est filius meus dilectus, in quo mihi bene com-  
placui: IPSVM AUDITE.

Deuteronomij xviii.

Prophetam suscitabo eis de medio fratrum suorum,  
similem tui: & ponam verba mea in ore eius, loque-  
turque ad eos omnia qua precepero illi.

Esaïæ iv.

Eccc testem populis dedi eum: Ducem ac Præcepto-  
rem gentibus.

O 3

Esaïæ



Esaia XLII.

Dedi spiritum meum super eum: iudicium gentibus proferet. Non clamabit, neque accipiet personam: nec audietur foris vox eius. Calamum quassatum non conteret: & linum fumigans non extinguet.

PERACLESIS.

**H**unc S. Scriptura locum de Christo proprie intelligendum esse, Matthaeus Euangelista Cap. xii. ostendit. Significat autem Christum recte, sine discrimine personarum, iudicaturum: & aequè pro pauperibus atque pro diuite pronunciatum. Adhuc, non futurum ingenio feroci aut amaro; non indignabundum aut contentiosum. Porro calamum seu arundinem quassatam & linum fumigans Conscientias vocat anxias & perterrefactas agnitione peccati, & sensu ira & iudicij Dei, in quibus adhuc tamen est aliquid bonae spei: huiusmodi Christum neque contritum neque extinctum dicit. Quamquam, inquit, est aliquis peccator, licet sepius in peccatum, non tamen conteret nec opprimit eum: non abiiciet: & qui vicini sunt extinctioni, sua clementia ac mansuetudine seruat ne pereant. Arundo corrita non est amplius usus, sed in ignem abiicitur: & linum extinguitur et fumans, non tantum est inutile, sed etiam tetrum odore molestum: unde statim solet pedibus proteri. Tales non verè in conspectu Dei sumus. Sed venit Christus filius Dei misertus vicem humani generis: Raphaël verus Dei medicus, verè mitis & humilis corde: maxima mansuetudine, te, ac nos quotquot sumus ad unum omnes obligat, consolidat, atque instaurat: linum fumans adhuc, saluari statu suo excitat, hoc est, cor prope ad desperandum.

Matt. 11.



desperationem adactum, erigit, consolatur, atque per Spiritum sanctum restituit: accendit in nobis fidem, & sacri amoris ignem. Hanc tantam gratiam ne negligamus: ad hunc tam benignum saluatorem corde contrito <sup>Matt. 21.</sup> & humiliato accedere non cunctemur: & inueniemus requiem animabus nostris.

De Iesu Christi D. N. in hunc mundum missi Officio: & eius salutaris Euangelij prædicatione.

Esaia 61.

Spiritus Domini super me, eò quòd vnixerit Dominus me: ad annunciandũ mansuetis misit me, vt mederer contritis corde, & prædicarem captiuis indulgentiam, & clausis apertionem. Vt prædicarem annum placabilem Domino, & diem ultionis Deo nostro: vt consolarer omnes lugentes.

PARACLÉSIS.

**H**Oc Esaia vaticinium ad solum Christum pertinet. <sup>CAP. XIX.</sup> Hæc, ex Luca Euangelio discimus. Sic namque ibi legitur Cap. 1111. Et venit Iesus Nazareth vbi erat natus: & intrauit secundum consuetudinem suam die Sabbathi in Synagoga: et surrexit legere. Et traditus est illi liber Esaie propheta. Et vt reuoluit librũ, inuenit locum vbi scriptum erat, Spiritus Domini super me. propter quod vnxit me, euangelizare pauperibus misit me, sanare contritos corde, prædicare captiuis remissionem, & oacis visum, dimittere cõtractos in remissionem, prædicare annum Domini acceptum, & diem retributionis. Et cum plicuisset librum, reddidit ministro, & sedit. Et omnium in synagoga oculi erant intendentes in

O 4 cum.